
辛亥革命資料彙輯

第四冊 目 錄

各省起義

廣 東

廣東獨立記……………大漢熱心人輯…………… 1

《近代史資料》一九六一年第一期（總二十五期）

粵省辛亥革命回憶錄……………鍾德貽……………38

《近代史資料》一九五七年第一期（總十二期）

惠州光復記……………陳景呂……………52

《近代史資料》一九五八年第二期（總十九期）

左紹佐日記摘錄……………左紹佐……………55

《近代史資料》一九六一年第一期（總二十五期）

山 東

山東假獨立資料卞孝萱輯.....一

《近代史資料》一九五六年第一期（總八期）

辛亥光復蓬萊記事隱 名.....63

《近代史資料》一九五七年第四期（總十五期）

《辛亥光復蓬萊記事》補正陳修夫.....70

《近代史資料》一九五八年第四期（總二十一期）

辛亥光復榮成回憶錄張齊人.....76

《近代史資料》一九五七年第四期（總十五期）

張廣建電稿蘇 蕙輯.....82

《近代史資料》一九五八年第四期（總二十一期）

東 三 省

辛亥關外革命始末記李培基..... 108

《近代史資料》一九五七年第四期（總十五期）

綏遠 包頭

辛亥綏包革命史實紀述……………楊雲階……二五

《近代史資料》一九五五年第二期（總五期）

辛亥塞北革命紀略……………方仲純…… 115

《近代史資料》一九五七年第五期（總十六期）

海 軍

辛亥海軍舉義記……………張懌伯……三二

《革命文獻》第四輯

辛亥海軍起義記略……………何海鳴……三八

《革命文獻》第四輯

辛亥海軍反正紀實……………陳春生……五〇

《革命文獻》第四輯

辛亥革命前後的革命事跡

譚人鳳石叟牌詞叙錄……………譚人鳳……五八

《近代史資料》一九五六年第三期（總十期）

孫中山與袁世凱的鬥爭……………張國淦…一〇九

《近代史資料》一九五五年第四期（總七期）

自由黨材料選輯 ……………陳鳴鐘輯…… 140

《近代史資料》一九五七年第六期（總十七期）

中國國民總會材料選輯 ……………沈雲蓀輯…… 155

《近代史資料》一九六一年第一期（總二十五期）

中華實業銀行始末 ……………沈雲蓀輯…… 167

《近代史資料》一九五七年第六期（總十七期）

鄒永成回憶錄 ……………鄒永成口述、楊思義筆記…一三八

《近代史資料》一九五六年第三期（總十期）

广东独立記

大漢熱心人輯

說明：辛亥革命时期广东方面的史料，除《近代史資料丛刊·辛亥革命》中收录的以外，未尝多見。广州中山圖書館最近購藏《兴汉紀念广东独立全案》一书，記述辛亥年九月初四日到廿二日广东独立事頗詳，因予整理重印，以供研究辛亥革命史者参考。

原书封面封底均已剝落，难于考查著者姓名和出版時間与地址。文末一段說：“以上俱系九月十九日宣布独立及廿一、廿二两日大局已妥之事，撮为一《广东独立記全案新书》”。后署“黃帝紀元四千六百零九年辛亥九月廿三日，輯书者大汉热心人”。由此可知，原书編成于广东独立后不久。据全书內容来看，系輯录当时报纸記載，逐日排列而成。书前有《祝广东独立之前途》一篇，书后有《粵人拜独立旗文》、《广东独立紀念歌》（龙舟板眼）、《粵人烧砲仗》（板眼）、《还我山河》、《君你试听》（粵謳）五篇，因內容无多大参考价值，均刪去。书中所录上諭四通，为习見之文，也一并刪除。因原书既名《兴汉紀念广东独立全案》，又名《广东独立記全案新书》，前后不一致，今改名为《广东独立記》。

整理此书时，曾利用史学会所編中国近代史資料丛刊《辛亥革命》及郭成孝《中国革命紀事本末》等书，进行校訂，又輯录了辛亥年九、十、十一月《南越报》残张中有关辛亥革命的資料，附于书后。文中月日，全为阴历。

因水平所限，疏誤之处，希讀者指教。

李 默 識

自粵垣三月廿九日之役，黃花岡諸志士之血未干，不图竟有郵部大臣盛宣怀，奏請四省鐵路收回国有。吾民之身家性命，輕于一擲，直晉引虎入人羣，同胞憤起。勁以格杀勿論，涂炭生灵，故有川省爭路独立之变。鄂省接应，大起雄师，影响及粵，紳民目覩情形，恐百姓顛連，至有融和滿汉，維持人道，以保公安，羣謀自立之議，此保存广东大局，无怪其然。茲先将九月初四（1911年10月25日）議案詳列，并志事之顛末。

各团体集議詳情

九月初四日省中各大团体，假座下九甫农务总会（即文瀾书院）开

大会議，維持广东公安事，到会人数极众。警署派出警員警兵多人，到会保护。主席为八十余岁之老翁邓宫保华熙、副主席梁廉訪鼎芬。两点鐘开会。邓主席先言：“今日之会，其宗旨系图謀公安，深望广东得免丧乱痛苦，故自忘老态到会，請众建議。”

次梁主席言：“保全广东，非个人可以保全，当合千万人之力以保之，并合千万人之心为一心以保之。广东者广东人之广东，官代治之而已，官之良者贊成之，其不良者則去之，官力所不能逮者协助之。今革命党所持主义，在改良政治耳。政治若良，革党应不来，即来亦可以对付。”又言：“今所議，为实行自治，不託空言。人人知大局危亡，則可以不亡。現因邻省乱耗，吾粵即有改良政治之动机，若乘此扫除一切秕政，則革党不能祸我广东，且有造福于我广东，愿諸勉之。”又言：“現鐵路回商办，奏免杂捐，救民疾苦，如有意見，尽可代表与官厅直接商議。”每一发言，众无不鼓掌者。

次江孔殷言：“鄂变起事，数日内数省响应，土崩之势已成，無論吾人如何忠爱，对于今日大局人心，不忍言亦不必諱言。今日救亡，只有二策：一速行联邦政策，开放廿二省分治，以御革命风潮。督撫未必敢言，言之政府亦未必听。一政府假权督撫，使之便宜行事，改良政治，以阻国民独立。而各省督撫未必尽賢，革命党亦未必肯遽尔罢手。今日之事，就广东言广东，誠如梁节老所言，广东者广东人之广东，誠不能倚賴他人，亦不能令为他省所牵动。但一省有一省情势，他省防营少，广东防营多，他省无土匪，广东有土匪，一有不慎，国民未举事，而土匪已乘之，外人从而干涉，殊費收拾矣。故日前鄙人往港，与各报界論及广东提倡独立，不如利用官府改良独立，当求完全，不可糜烂。贊成者固多，然亦有以为滑头政策者，亦屬难怪。不知从前一切政治之不利于吾粵民者，官府能一一革除之，如昨日豁免屠捐、酒捐之类。事事壓民之心，則革命党所求不过如此，何所借口用其破坏。無論滿人汉人、本省人外省人、中国人外国人，凡在我广东者，皆可享受共和平等之福，何乐不为。”言毕，人人鼓掌。

次苏棧飄[飄]言：“江君所論，实持人道主义，政府应不能責备，即革命党亦不能非难，应照請議传单，財政軍隊两問題，研究实行，以維大

局。”

次譚荔垣言：“今日之會，宗旨已定，當求辦法。國民立言論地位，行政權仍屬大吏，我民宜速立監督機關，以實行監督之。凡有請願，由議局陳請，不獲則以監督機關為后盾；仍不獲則以廣東三千万人為后盾。”眾大鼓掌。旋由莫任衡將議案逐條宣布，以次表決，乃散會。議案錄下：

議決保全廣東大局議案

一，議決：廣東現在兵單財絀，自顧不暇，未能兼顧各省，所有亂事省分，遇有電來調兵、撥餉、撥械，三者斷不能應命；至各協餉均一律暫行截留，以為防守之用。

二，議決：即日成立監督官吏改良政治總機關，由各界團體公舉代表若干人，主持其事。

（甲）即以今日在會諸人為會員；

（乙）暫借農務總會為辦事所；

（丙）每團體至少舉出五人以上為代表，限三日舉定，函送辦事所知照，未舉定時，暫由農務總會辦事人主持；

（丁）陳請議局建議書，由主席主稿，另日宣布承認，然後呈局建議。

三，議決：盧子川提議，廣東言論界對於地方治安極為熱心，事實亦極了亮，擬請由報界公會推舉代表若干人，前赴香港與旅港各團體接洽，俾資聯絡而保公安。現已舉定蘇棧諷、潘達微、羅少期、黎佩詩、勞緯孟、譚荔垣六人云。

旗人亦贊成保安 初四日，各團體會議維持廣東公安，經將議案宣布。是日張督傳集八旗協領，詢問意見。各協領答言：連日八旗會議，均如此主張，各團體提出維持公安問題，無不贊成，甚望能達此目的，使廣東同事幸福。張督聞言極為忻慰，即飭令趕舉代表與各團紳商接洽云。

張督贊同截兵截餉之迅速 初四日，粵紳大會于文瀾書院，經即將院議案函送張督。初四夕四鼓，督復函。函云：“敬復者：頃奉大函并本日議決議案一折，敬均閱悉。仰見諸公暨全省人民愛衛桑梓，籌畫周

至，极为欽佩。議決各案，亦甚妥洽，均可見諸實行。本省兵隊餉械，異常支絀，暫行截留，以備防守，洵屬萬不得已之計。惟前此龍軍門所部馬存發一營，于七月間經奉岑宮保奏准撥令隨帶入川，早應開拔，嗣因粵防吃緊，補募滇勇尚未成軍，是以暫行截留。事在本日議案議決之前，俟滇勇到齊，填防穩固，乃應飭令赴滬。嗣各省設再請調援，力實不及，斷難應命。此后全省治安，官民共肩其責，敢不勉竭心力，一副諸公及全省人民期望。專泐奉復。敬請公安，諸惟亮察。張鳴岐頓首。”

諮議局電內閣文 川鄂亂事，延及各省，危急存亡，間不容發，維持补救，首在人心。現據各報紛傳，鈞閣有借外兵外債之議，人民憤激，莫可名言。均謂此次禍變，根于借債辦路而生，今再借餉借兵，無論勝負難知，即此川鄂獲安，全國版圖恐非復朝廷所有。人民與國家忧戚相關，斷難隱忍緘默。如不蒙鑒納，徑情直行，是政府已置國家于灭亡，粵民豈能再任担負。伏乞奏請明詔，宣布不借外兵外債，以收人心而定危局。臨電惶悚，听候斧鉞。”

旗滿人云云 “公啟者：昨奉軍督憲面諭滿漢八旗協領，傳知紳耆兵丁，聯絡粵中各團體，共保公安，同享和平。當即迭次與粵紳會議，并舉代表祥康、世杰、黃謙、門安朝等八人，定于初八日齊到文瀾書院，表決贊成自治研究社會初四日廣東共保議案，同維治安。如有謠言惑眾，均屬不經之談，各界團體，切勿輕信為幸。特此布達，俾釋嫌疑。滿漢八旗官紳兵丁同啟。”

善后分所云云 “公啟者：昨初四日經省中各大團體開大會，維持廣東公安，首以監督官吏、改良政治為宗旨，及實行自治，掃除一切秕政，以救危亡。現已暫借農務總會為辦事所，即日成立。我邑亦廣東一分子，自應共謀全屬公安，與省城總機關互相聯絡，合力維持，庶保治安而支大局。茲擬于本月初六日一點鐘，聯請各界齊到本分所開維持全屬公安大會。事機危迫，凡我邑人務須盡會建議，幸毋放棄，致貽後悔。此布。”

各界公認粵東自立后之現象

連日有謂旗滿已伏斗機，將有斗禍之謠，以致居旗滿界者迁徙屬

道，倉前街、大市街等處，公館搬遷已盡，昨初七日入黑時，行李由大南門而出，絡繹不絕，挑夫每名須挑工一元，始允挑運云。

近日謠言四起，四牌樓之故衣店，多有將衣服包紮，運出城外，初七日又不開門貿易。巡警嚴道經過陶街口，觀此情形，即下輿向各故衣店逐一勸諭，照常貿易，勿為謠言所吓云。

督院為出示曉諭嚴禁事 “照得現因湘鄂亂事，省中謠言四起，經由本省公正大紳、各界團體會議，合力維持，共保安寧。凡在省垣居住之人，無論滿籍、漢籍，以及官商士庶，自必一律保護。所有本省滿洲漢軍駐防官兵，業經本軍督院，傳集八旗協領詳晰面諭。該協領等，咸知維持公安，極表同情；并由八旗官紳，聯合本省商紳，開會集議，表明滿漢人民，并無意見。乃聞近日謠言，竟稱旗人將有殺害漢人之語，以致居民惶惑，紛紛遷徙，旗街附近一帶店鋪，均多歇業。顯系匪徒造謠，希圖煽亂人心，从中滋事，殊堪痛恨。除飭各區巡警及旗滿各界地方官，嚴拿造謠匪徒，盡法懲辦外，合行出示曉諭。為此示諭諸色人等知悉：爾等須知保護公安，滿漢官紳均已共認維持，意見極為融洽，萬無自相妨害之理。爾等務仍安居樂業，切勿輕聽謠言，妄自驚擾，致碍治安，是為至要。毋違！特示。”

自炸死將軍後，人心惶惑，紛紛遷徙，至初七日則四牌樓各鋪戶閉歇甚多，而惠愛四、五、六、七等約，雙門底上下街，各鋪戶多系半閉店門買賣。即日嚴巡警道會同王南海縣便衣步路，親到各街，勸令勿庸懷疑，開門安業；隨又出示。其示云：“警道嚴示：照得廣東自衛，紳商共表同情，滿漢互相聯絡，各界傳單可凭。所有謠言惑眾，均為荒誕不經，爾等切勿輕信，以致市虎色驚，各宜安居營業，自然共享和平。經此剴切曉諭，其各毋違懍遵。”

自各界公議融和滿漢、維持人道之後，粵垣連日，紛傳國民軍某日到粵，屆時必與政界血戰，砲火轟天。故各界紛紛遷逃，不絕于道，人心惶恐。無如官吏出示安民，人皆以政界每多失信，莫不欲謀獨立以自守，遂于初八日大集會焉。

（一）集議之初情 初八晨八點，十大善堂^①、七十二行商總商會

^① 十大善堂，下文或作“九大善堂”，前後不一。

各团体，齐赴爱育善堂集議，人数极众，座不能容，異常踴躍。随举曾（曾耀廷）、秦（秦祥光）两先生为临时主席，譚（譚荔垣）君宣布，搖鈴开会，众皆肃然。

（二）維持之議案

一議：粵省当此危急存亡之秋，吾粵人士万无模稜两可之理。現共和政府势力已成，与旧日专制政府立于极端反对地位，专制政府現万不可恃。就粵省人心趋向，应承認专制政府，抑承認共和政府，以图永久之保存，請众表决。

众議旧日专制政府，政治势力已失，共和政府势力已成，友邦公認。为保存永久治安起見，应即承認共和政府。

一議：承認共和，已經众表决，对于現在粵省行政官，应用何种手續对付。

众議先由九善堂、七十二行商人，举代表領銜将本日表决公意，用正式公文呈知督院。随举熊长卿先生生稿。

一議：进行方法，应如何处理，請众公决。

众議合九善堂、七十二行合力举办商团，一面公举代表赴港，与共和政府机关部直接宣达意見。

本日文瀾書院为融和滿汉事集議，对于本日議案恐有誤会，应即公举代表三位赴文瀾書院与旗滿人接洽，将此意見宣布，以免誤会。应举何人，請表决。众举定領銜郭仙洲、馮商巖、明子远、陈惠普、俞海儔、楊輝巖、謝錫恩、全樺巖、秦祥光、曾耀廷（此二人临时主席）；又举定赴港代表譚、蔡、郭、馮、熊、俞六君，即日启程；赴文瀾書院代表，曾、蔡、梁。

（三）議后之紛來 表决后，接踵赴会者相屬于道，一聞表决情形，互相鼓掌，声震远邇，久仍不散。徐再宣布文瀾書院同人欢迎旗滿代表，于是往文瀾書院者不可以数計。

（四）省街之騷擾 此会前数日已派传单，共保公安，粵人咸大忻悅。时未及午，途为之塞，附近店舖，均皆閉門，以致上下九甫、德兴桥一带均停止貿易。

（五）續會之延迟 文瀾書院延至正午，尙未开会，到者均为詫異，或疑为粵路集議之故轍，議論紛紛，几至暴动。

(六) 传单之飞来 是时人声鼎沸，几至不可收拾，而报界之传单恰至。

报界公会初八日传单：

今日七十二行、九大善堂、总商会各团体在爱育善堂集議。

一、承認新政府；

一、承認滿汉一体；

一、用正式公文呈报张督；

一、已續派代表赴港表示意見，商議进行方法。

以上系今日各团体会議大略情形，万众一心，居民无容惶恐。此布。

(七) 劝散之迭至 传单派后，各人仍多喧問，于是临时公举陈惠普等登樓演說，說至承認新政府，众大拍掌，声如雷鳴，欢容可掬；且各皆未用早膳，枵腹从事。

(八) 代表之踵临 滿洲代表祥康、世傑，汉軍代表黃謙、門安朝等，相繼而至，各皆讓路欢迎入座。即举黃謙登高演說，言旗滿人前頗不相能，惟今崇尚人道主义，不忍流血，所以极力融和。現街上謠言，謂吾人决裂，实无其事，可到旗街看有无大砲，便是作証云云。众又鼓掌。

(九) 融和之公函 公启者：本日十善堂院会社、七十二行商等，在爱育善堂开大会議，僉以本省滿汉八旗官紳，既与各团体迭次會議，共維公安，彼此并无意見。現經同人公决，极力保护滿汉八旗生命财产，即将来新政府軍隊来粵，亦必代为要求，与汉人一律看待。查湖北軍政府，已宣示宗旨，所持系政治革命，非种族革命，所有滿人，均一視同仁。是敝堂会等以上所言，必能为新政府承認。万望迅将此意即刊传单，通告八旗紳民，俾息疑虑而保公安，无任盼禱。专此。敬請团安，諸維察照不宣。

(十) 江梁之亲到 是时梁紳鼎芬、江紳孔殷，先后繼至，各均登樓相繼演說。此刻人多挤拥，拍掌声与欢呼声鬧成一片，人皆眉飞色舞。

(十一) 捐資之踊跃 各演說毕，众議捐資制旗，一时傾囊者爭先恐后，互相爭擲，以至滿地金錢，不一刻已逾額數。即在本街車衣店，定制独【立】大旗。

(十二) 独立之大旗 旗片刻制就，立豎諸文瀾書院門口，并派人分担于长堤城內一带游行，到处欢迎，高呼万岁，赴之瞻仰者人山人海。

海，至入夜仍接睡而至。

(十三) 万众之一致 独立旗豎后，紛紛回家，購買炮竹，炮竹店存貨一空。自入夜六时至十时炮竹以賀之声，不絕于耳，烟霧迷漫，行者止步。喜悅之情，妇孺皆然。聞长堤鹿角酒店及广和洋貨店之龙旗，均被行人扯去。

(十四) 代表之接洽 前报界派往香港之代表，及是日董团行商續派之代表，均已抵港，布告省中情形，港人咸表同情。

(十五) 旗滿之贊成 九月初五日閱省城各报章，藉悉省中各大团体，为鄂乱影响，吾粤特于初四假座下九甫农务总会，公同表决，維持广东公安議案。奉誦之下，仰見蓋籌碩画，藻慮周詳，保全广东之策，无逾于此。凡我滿汉八旗官紳、軍学各界，及耆老、兵丁，靡不共表同情。用特公举代表等八人齐赴貴总会，冀与諸君子接洽，消融畛域，互相聯絡，共維公安。此誠八旗之幸福，亦吾粵之幸福，而实則同乡諸先生不我遐棄，有以致之也。然代表等犹有一言，不能不貢獻于同乡諸先生之前者。窃以为人心之趋向，莫善于誠。今讀貴团体初四日無論滿人汉人、本省人外省人、中国人外国人，凡在我广东者，皆可享受公共和平之福等議案，不禁欽佩于所持人道主义之高且大也。夫曰外省人、曰外国人，亦若与广东无甚关切矣，然以現住吾粵之故，尤且一視同仁，不相棄越，况我二百余年之同言語、共嗜慾、通庆吊、联婚姻之亲近同乡，生命以之，财产以之，即家中老老少少、男男女女，亦无不以之者，滿汉八旗不尤吾粵有密切之关系乎？万望諸君子代达同乡各界团体，勿为謠言所惑，致生惊扰，此則代表等所傾心企禱者也。茲承我同乡諸先生开誠布公，同心協力，共維地方之治安，保存粵人之利益，此后遇有疑問，彼此定当坦怀相示，知无不言，言无不尽，則猜嫌无从起，而相見以誠矣。此融洽宗旨，共保广东公安，是則代表等区区之微意也。惟諸君子进而教之。滿汉八旗代表等同上言。九月初八日。

(十六) 八屬之會議 初八日八屬学会亦集議，由八屬同人发起聯絡省垣学界，全体到会。临时主席陈树森，宣布江楫。隨即表決議案列下：

一、本日會議由八屬学界发起，現在全省学界同人，均有到会，共

表維持聯絡同情，擬即日成立學界維持公安部，遇事聯絡，共維吾粵之前途。眾表決贊成即日成立本部。

一、初四日，全省紳商，已假座文瀾書院內農務總會集議，表決成立監督官吏、改良政治總機關，本學界同人亟應入會聯絡一氣。眾議即日舉代表杜燦等二十人前往文瀾書院商議一切，以便全體入會，庶資聯絡。

一、現在閩城騷然，學界前途殊多可慮。擬由本部公函梁節庵先生實行監督改良，以維學界。眾議由本部公函聯請辦理。

(十七) 致港之公函 四邑工商總會暨旅港各同胞鈞鑒，切啟者：即午全粵商民集啟堂開大會，決定承認新政府，以救粵亡。隨舉定赴港代表馮君商巖、郭君仙舟、蔡君卓琴、譚君民三、熊君長卿五人，親詣尊處，直接宣達本日集議情形，及全粵商民公意。危急存亡，間不容發，理合省港互相聯絡，以圖進行。一切辦法，希即與代表協商，切禱切盼！此啟。十善堂會社、七十二行商暨全粵商民公啟。

(十八) 旗官之文告 將軍都統示：滿漢聯絡，已表同情，居民鋪戶，莫起疑驚。謠言傳播，均屬不經，萬勿輕聽，虛語無凭，安居營業，共享和平。剴切勸諭，各宜放心。

(十九) 民團之組織 初八日，各界民團假座文瀾書院開大集會議，到者極眾。并由旗滿舉出代表，共同磋商。暫由各團體舉出九人，組織廣東滿漢民團獨立會。隨即舉定十人，定初九日十點鐘再假文瀾書院大集。各界團體，并舉代表到議，及進行一切方法，以保公安。

一、宗旨：維持滿漢及三千万同胞生命財產，以固將來永遠幸福。

二、提議聯合民團，公舉代表，面請張督即暨廣東滿漢民團獨立旗。眾贊成。

三、提議由代表求張督，請滿人繳回槍砲，退居于被保護者之地位，以固公安。眾贊成。

四、提議既暨獨立旗后，拒絕解京餉，及應籌各省擾亂軍械。

(廿) 張督之嚴示 兩廣督院示文曰：本晚西關河南，紛暨獨立旗燈，顯有匪徒主謀，希圖擾亂人心。良民誤受煽惑，無知愚蠢可矜，本應立予剿辦，誠恐玉石俱焚。用特先行示諭，准其悔過自新，所有居民商

店，立即擲去旗灯。倘仍不知悔悟，有意抗拒不遵，甚或聚众滋扰，則是冥頑不灵，惟有严加剿办，彼时良莠难分。各有身家性命，务宜一律慎遵。

两广督院张为出示晓諭事：照得現因鄂乱，影响粵省，謠言四起，各屬土匪，时思乘机蠢动，业經本督院严密布置，增募兵队，扼要防守，漸臻完密。并經紳商士庶，于文瀾書院开会集議，公推邓宮保、梁廉訪为主席，宣布議案，截留兵餉，融和滿汉，共保公安，均經全体表決，一律贊成。乃日来謠言迭出，有謂粵省行将独立，有謂滿汉意气未除，捕风捉影，支离已极。无知愚民，誤会傳聞，紛紛迁徙，无故自扰。显有不法匪徒，借端搖惑，希图扰乱治安。現值防务吃紧，人心惊惶之际，岂能再任此等造謠生事之人，任意搖惑，妨害治安，破坏大局。合行出示晓諭，为此示諭諸色人等一体遵照：須知粵省防务，业經布置严密，并經本省紳商士庶議決公認，以保公安为宗旨，謠言全不足信。务宜各安生业，不得妄有惊扰。如有造謠生事者，即屬全省治安之公敌，本督院为对本省紳士商庶、維持公安大局起見，不得不从严惩办，以昭炯戒。各宜慎遵毋违！特示。

（廿一）善堂会社致滿汉公約函 公启者：本日十善堂、院会社、七十二行商等，在爱育善堂开大会議，僉以本省滿汉八旗官紳，既与各团体迭次會議，共維公安，彼此并无意見。現經同人公决，极力保护滿汉八旗生命财产，即将来新政府軍隊来粵，亦必代为要求与汉人一律看待。查湖北軍政府已宣示宗旨，所持系政治革命，非种族革命，所有滿人均一視同仁，是敝堂会等以上所言，必能为新政府承認。万望迅将此意即刊传单，通告八旗紳民，俾息疑慮而保公安。无任盼禱。专此。敬請团安！諸維察照不宣。

視此以上，人心已去，大局难回。不图粵督張鳴岐，不知时务，不明于世，竟而阻止。如其示所言，岂其欲使我粵东，玉石俱焚，生民涂炭而后已乎？輯書人不知其存肺腑也。謹將粵各界人民連日恐怖之情形逐件录后。

省城大恐怖情形

初七以后，謠言遽起，閩省騷然。嗣經各团体极力維持，表決承認新政府，暨承認漢滿一体，各始安然，晚間且紛燃串炮数小时，尤有联同亲朋，共浮一大白旗，种种雀跃情形，有非笔墨所能形容者。不料一般人民自张督禁豎独立旗灯之諭发表后，閩省又复騷然，故初九日之情形，比前尤为騷扰；城内外各鋪戶皆一律閉門，或有半掩門，如常营业；至各处之船渡及汽車[火車]，其搭客之挤拥，比之初七八尤甚，路上行人絕少。各当押虽未明言止当候贖，实则与止当候贖无异；盖賤衣物即不典当，以致一般貧寒家，大有歛手待毙之危，洵可憫也。聞小北一带貧民，号哭之声不絕，尤屬慘事云。

初八晚时交三鼓，忽聞四处燃放炮竹，聞双門底威建葯房燃放最多，次則惠愛八約邹家园葯材店亦不少，并聞有友人于将二更时出大南門，竟有十余人执旗进城等語。而初九早各城門未开，街道往来人亦稀，至鋪店或有仍造生意，亦有全行閉歇者。又至九打鐘，只将大南門启閉，余仍緊【閉】。西关一带，店鋪停止交易，一律关闭鋪門。十二打鐘，由南海县令亲至十八甫下九甫等处，劝各店照常营业，惟至下午，仍无有开门者；并偕广协致[至]文瀾書院将独立旗除去烧毁云。

长堤一带每交日落，則熙往攘来，昨夕虽有行人，惟落落如晨星。同庆戏院則滿駐桂軍，海珠則用沙袋赶筑砲壘，沿途有防营及桂軍等巡邏。水师行台前，列巨砲数尊。各戏院一律停演。东堤花界冷落非常，往日車馬之声，今轉寂然。

初八日原定初九早九点鐘复在文瀾書院集議，詎昨日書院門口，有督示数禁止，故无开会。至二打鐘，有人穿长衣者演說，听者有百余人，所言皆无甚肯要，听者咸非笑之，有疑为政府派来者。

张鳴岐之告示 “为出示晓諭事：照得本月初八晚，西关一带，遍树独立旗灯，无知愚民一倡百和，不特未明独立为悖逆之事，方且以为藉保护身家，謬妄可恨，愚蠢亦复可矜。当經出示晓諭，所有居民商店，立即摘去旗灯，准其悔过自新。現据巡警各区稟报，均已一律遵办，足見人心无他。惟此等举动，在愚民虽出于誤受誘惑，其中必有不法匪

徒主謀煽動，希圖擾亂人心，乘機逞亂。經本督院詳加訪查，是日先已有人借善堂為名，開會集議，倡為此等謬說，并糾集無賴，挨戶喧鬧，恃強劫制，以致釀成此等怪謬之舉。除將为首主謀之人嚴飭軍警切實查拿，盡法懲辦，以昭炯戒，其餘誤被誘惑之商店居民，既經悔過自新，准其概不追究。合行出示曉諭，為此示諭諸色人等知悉，一體遵照。嗣后務須各安本份，毋得听信謠言，妄自擾亂，致蹈罪戾。現值鄂亂影響，人心惶惑，亟應加意鎮靜。本督院有守土之責，凡有謹守秩序，共保安寧者，本督院當與全省紳商士庶共維持之；如有謠惑人心，妨害治安，本督當與全省紳商士庶抵禦之。務各共體此意，保存大局。毋違！特示。”

粵督出示之後，自己則防范尤嚴，除將卫边街华宁里之街口以磚石堆塞，僅能容一人往來外，現又將新丰街之街石掘起，筑成砲台，以便對壘時藉之蔽體。說者謂近日城內成一砲台世界。

張督通飭各屬，以省城謠言日盛，各處店舖皆閉門停市，外屬因此以訛傳訛，謠言必甚。際此各防吃緊，土匪乘機思逞，在在堪虞。應飭各州縣明白宣示，剴切曉諭，俾釋民疑。一面嚴為布置，萬勿松動云。

粵民恐怖之中，竟接有清諭，以為可以挽回，諺所謂“閒時不拈香，急來抱佛脚”，不知人心已去，吾民只有一笑以存之矣。茲將清諭，照錄如左：「下錄辛亥年九月初九日清政府罪己詔、宣布君主立憲、撤銷皇族內閣、開黨禁等四通上諭，見郭成孝《中國革命紀事本末》第三編與《宣統政紀》卷 62 均從略」。

初十日各城門雖已開放，惟因各城門均有兵隊駐紮，各官署亦嚴陣以待，故人心仍然惶懼，路上行人稀少。是日訪員巡遊各處，所見各大商店均仍歇業；但每街之中，仍有少數店舖（多賣食物），照常貿易，或半掩門；至若住戶，真十室九空矣。查是日香港日船香山、永安兩船開倉未及一小時，便已不能容足，其餘廣九、粵漢及省佛汽車，均異常擠擁，各江鄉渡亦然。噫！吾粵固未亂，乃竟釀成若亂，是誰之咎歟？

粵自初九後已釀成恐怖之象，查省中執工業者，為數實鉅。頃因商界歇業，停止發貨，多已輟工。聞機紡、玉器、車料及泥水、木石、裁縫各行，所受影響尤大。此等工人，類屬貧寒，今一旦輟【業】，難保不有因飢寒交迫，挺而走險，斯誠粵省一大隱患也。然則日言維持公安者，究用

何未待此可怜之工人，是又一最要之問題也。

初九、初十兩日，城廂內外舖戶居民紛紛搬遷，米價已增，魚菜異常昂貴。惟旗街如將軍前大市街等處，舖戶照常交易，夜間茶居如常開市，甚為安靖，絕無驚恐之狀，而各人多有往旗街采買魚菜。

巡警道示：現在謠言已息，城廂內外安堵如常，各業店舖，可勿驚疑，務各一律照常貿易。毋違！特示。

按城內店舖居民，搬遷閉歇，雖經官廳迭已出示安民，勿用驚疑，各人仍不信從。推其原故，各人因政界大小官眷，紛紛遷徙，故更惶恐。官眷能照舊遷返，不用出示勸諭，居民自必無疑鎮靜矣。

城內雖重置兵隊，尚多行人熙攘。嗣入夜，張督聞善堂有會議獨立之事，謂必有匪徒慫恿，與維持公安議案刺謬，十二時即下令戒嚴，又諭警道出示禁止集會。翌日，只開大南、小東兩門，各門至初十日尚未全開。城內外之兵隊達六千名左右，均有刀鞘弦矢之勢。

十一日總商會函告商店照常貿易 公啟者：溯自川鄂亂後，粵省本尚安靖。惟近日謠言肆起，風鶴頻驚，以致城廂內外各街店戶，自本月初七日起，紛紛閉舖，以防匪擾，市面因之蕭條，民情益加疑惑，于商务治安大有妨碍。茲于初十辰刻，由敝總會邀集自治研究社、九善堂院，及七十二行各種商會議，除由本會商董各自集行，勸導各商店開舖照常貿易外，擬即函請政界，多派兵勇，在於各處街道，日夜梭巡，實力保護，以衛閭閻。并請將四城門如常早晚啟閉，以定人心而便商賈。一面刊派傳單及標貼長紅，并函致各街值理，開導各店，依舊生理，毋自驚擾。當經公議表決，分別辦理。茲特具函布達，尚祈查照辦理是荷。專此。敬請公安。廣東商务總會同人公啟。

諮議局勸告居民安業傳單 連日謠言蜂起，居民遷徙，商店閉戶，推其原因，僉謂初九日革黨祭黃花崗後，入城暨旗各風說。今初九日已過，並無其事。旋經本局切實調查，現革黨在鄂，方全力與官軍相拒，不暇兼顧，決無來粵之事。在政界連日戒嚴，亦因鄂亂影響，不得不豫為防備。吾粵商民，即可安心，切勿輕聽謠言，自相驚擾。此布。

勸業道示勸商民開舖 勸業道陳現出示云：“照得粵省因川鄂亂耗，謠言四起，風鶴頻驚。自本月初七、八、九等日，城廂內外，漸多閉舖，